

Novas uras d'avertura dal spurtegl da la BCG a Laax Vitg a partir dal 2. da settember

Cuira, ils 26 d'avust 2019 – La Banca Chantunala Grischuna (BCG) adattescha sias uras d'avertura a Laax Vitg per il 2. da settember 2019. Da nov è il spurtegl avert da glindesdi fin venderdi (danor mardi) da las 8.30 fin las 12.00 e da las 14.00 fin las 17.00. Per ina cussegliaziun cumplexsiva da la clientella en tut las dumondas da banca procuran las duas cussegliastras Mirella Kaiser e Svenja Caviezel.

Ils basegns da la clientella visavi ina banca moderna èn sa midads. Las clientas ed ils clients fan adina dapli fatschentas da banca via ils chanals electronics. En las filialas van els surtut per sa laschar cussegljar persunalmain. Cun adattar las uras d'avertura da la filiala a [Laax Vitg](#) reagescha la BCG sin quest svilup. A partir dal 2. da settember resta il spurtegl da banca da la filiala da Laax Vitg mintgamai serrà il mardi.

Cussegliaziuns èn era vinavant pussaivlas tenor cunvegna. La cussegliastra da clients individuals Mirella Kaiser stat a disposiziun per tut las dumondas da banca (finanziar, investir, spargnar per la pensiun). La cussegliastra da clients privats Svenja Caviezel è responsabla per la cussegliaziun adattada als basegns da la clientella e per tut ils pajaments en daner contant al spurtegl.

Igl è era vinavant pussaivel da retrair daner contant al bancomat. Ultra da quai pon ins empustar online cumadaivlamain daner contant via il [center da clientella](#) e laschar trametter ils daners a chasa.

Contact per ils collavurats da medias:

Banca Chantunala Grischuna, Medias & Investor Relations, chascha postala, 7001 Cuira
Thomas Müller, thom.mueller@gkb.ch, telefon +41 81 256 83 11
Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [Instagram](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universala moderna – per personas privatas, l'economia ed il maun public. La banca occupa 999 collavuraturas e collavurats (stadi dals 30-06-2019). En il chantun Grischun cun sias numerusas vals e pliras linguas, è l'interpresa represchentada cun 52 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestral preschenta ella cun ina summa da bilantscha da CHF 26,6 milliardas in gudogn dal concern da CHF 100,5 milliuns. Il scrit da participaziun BCG è quotà a la bursa dapi ils 10 da settember 1985.

Termins

Quint annual 2019: 7 da favrer 2020
Radunanza dals participants: 25 d'avrigl 2020
